

28 февраля 2026. Суббота 1 недели ВП.

Вмч. Феодора Тирона. Иверской иконы Божией Матери

Полиелейная Утреня (приходская)

«Бог Господь»

**Тропарь Иверской иконы Божией Матери (перенос с 12 февраля ст.ст.),
глас 1**

Дёрзость ненавидящих образ Гóсподень/ и держава нечестивых безбожно в Nikeю при́де,/ и по́сланнии безчеловечно вдовицу,/ благочёстно чтущую икону Богоматере, истязу́ют,/ но та́я нощию с сыном икону в море пусти́, вопи́ючи:/ Сла́ва тебе́, Чíстая,/ я́ко непроходимое море плещи́ своя подаде́, // сла́ва правош́ествию Тво́ему, Едина Нетленная. **(Дважды)**

Сла́ва Отцу́, и Сы́ну, и Свято́му Ду́ху.

Тропарь вмч. Феодора Тирона, глас 2

Вéлия вéры исправлénия,/ во исто́чнице пла́мене, я́ко на водé упокоénия,/ святýй мýченик Феодор ра́довашеся;/ огнём бо всесожжéгся,/ я́ко хлеб слáдкий Трóице принесéся./ Того́ молítвами, Христé Бóже, // спаси́ ду́ши на́ша.

Тропарь Иверской иконы Божией Матери (перенос с 12 февраля ст.ст.), глас 1

И ны́не, и прíсно, и во вéки векóв. Амíнь.

Дёрзость ненавидящих образ Гóсподень/ и держава нечестивых безбожно в Nikeю при́де,/ и по́сланнии безчеловечно вдовицу,/ благочёстно чтущую икону Богоматере,

истязуют,/ но тая ноцию с сыном икону в море пусты, вопи-
юще:/ Слава тебе, Чистая,/ яко непроходимое море плещи
своя подаде,// слава правосшествию Твоему, Едина Нетлен-
ная.

Величание

Лик: Величаем Тя,/ Пресвятая Дево,/ Богоизбранная Отроко-
вице,/ и чтим образ Твой святый,/ имже точиши исцеления//
всем с верою притекающим.

Чтец: Помяни, Господи, Давида и всю кротость его. **Величание**

Чтец: Яко клятсЯ Господеви, обещаСЯ Богу Иаковлю. **Величание**

Чтец: Се слышахом я во Евфрафе, обретохом я в полях дубравы. **Величание**

Чтец: Преславная глаголашася о Тебе, граде Божий. **Величание**

Лик: Слава Отцу и Сыну и Святому Духу и ныне и присно и во веки веков,
аминь. Аллилуия, аллилуия, аллилуия, слава Тебе, Боже. *(Дважды)*

Чтение Евангелия

Диакон: Вонмем. Премудрость. Вонмем.

Прокимен Иверской иконы Божией Матери (перенос с 12 февраля ст.ст.)

Диакон: Прокимен, глас 4: Помяну Имя Твое / во всяком роде и роде.

Лик: Глас 4: Помяну Имя Твое / во всяком роде и роде.

Диакон: Стих: Отрйгну сердце мое слово благо, глаголю аз дела моя Царевни.

Лик: Помяну Имя Твое / во всяком роде и роде.

Диакон: Помяну Имя Твое

Лик: во всяком роде и роде.

Диакон: Господу помолимся.

Лик: Господи, помилуй.

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

Молитва перед чтением Евангелия

Священник: Яко свят еси, Боже наш, и во святых почиваеши, и Тебе славу возсылаем. Отцу и Сыну и Святому Духу, ныне и присно и во веки веков.

Лик: Амѣнь.

Диакон: Всякое дыханіе / да хвалит Господа.

Лик: Всякое дыханіе/ да хвалит Господа.

Диакон: Хвалите Бога во святых Его, хвалите Его в утвержении силы Его.

Лик: Всякое дыханіе/ да хвалит Господа.

Диакон: Всякое дыханіе

Лик: да хвалит Господа.

Диакон: И о сподобитися нам слышанию святого Евангелия Господа Бога молим.

Лик: Господи, помилуй (трижды).

Диакон: Премудрость, прости! Услышим святого Евангелия.

Священник: Мир всем.

Лик: И духови твоему.

Диакон: От Луки святого Евангелия чтение.

Лик: Слава Тебе, Господи, слава Тебе.

Священник: Вонмем.

Евангелие от Луки, зачало 4. На Благовещение, на утрени. Сие же и на иные праздники Пресвятыя Богородицы. (Лк.1:39-49,56)

Во дни оны, воставши, Мариам, иде в горняя со тщанием, во град Иудов. И вниде в дом Захариин, и целова Елисавет. И бысть яко услыша Елисавет целование Мариино, възгрся младенец во чреве ея, и исполнися Духа Свята Елисавет. И возопи гласом велиим, и рече: благословена Ты в женах, и благословен плод чрева Твоего. И откуду мне сие, да прииде Мати Господа моего ко мне? Се бо, яко бысть глас целования Твоего во ушию мою, възгрся младенец радощами во чреве моем. И блаженна Веровавшая, яко будет совершение глаголаным Ей от Господа. И рече Мариам: величит душа Моя Госпо-

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

да, и возрадовася дух Мой о Бóзе Спáсе Моём. Яко призрѣ на смирение рабы Своея, се бо, отныне ублажат Мя вси родї. Яко сотвори Мне величие Сильный, и свято имя Его. Пребысть же Мариам с нею яко три мѣсяцы, и возврати-ся в дом Свой.

Лик: Слава Тебѣ, Господи, слава Тебѣ.

Стихиры по 50 псалме

Лик: Глас 6: Слава Отцѹ, и Сыну, и Святому Духу.

Молїтвами Богородицы, / Мїлостиве, очїсти // мнóжества согрешѣний нáших.

Лик: И ныне, и прїсно, и во вѣки веков. Амїнь.

Молїтвами Богорóдицы, / Мїлостиве, очїсти // мнóжества согрешѣний нáших.

Таже, глас 6: Помїлуй мя, Бóже, / по велицей мїлости Твоей / и по мнóжеству щедрóт Твоїх // очїсти беззакóние моё.

Глас 6: Егда явление чúднаго Твоего образа прїспѣ, / тогда афонстїи отцы, / столп огненный на мóри зряще, / страхом одержїми, недоумевáху. / Гавриїл же, яко вторый Петр, по мóрю ходя, / со слезами вопїяше Тебѣ: / о Пресвятая, // прїидї и сохрани достояние Твое от враг ненавѣтно.

Канон

Песнь 1

Канон Богорóдицы (в пáмять Иверскїя икóны). Глас 8. На 3.

Ирмос, глас 8: Колесницегонїтеля фараóня погрузї, / чудотворяй иногда, / Моисѣйскїй жезл, крестообразно поразив / и

разделив море,/ Израиля же беглеца, пешеходца, спасе,//
песнь Бóгови воспева́ющая.

Катавасия

Богородичная катавасия. Глас 4. Песнь 1.

Ирмос, глас 4: Отвѣрзу уста́ моя,/ и напо́лнятся Дúха,/ и
сло́во отрýгну Царíце Мáтери,/ и явлю́ся, свѣтло торже-
ствúя,// и воспою́, раду́ясь, То́я чудеса́.

Песнь 3

Канон Богородицы (в память Иверския иконы). Глас 8. На 3.

Ирмос, глас 8: Утвержде́й в начале Небеса разумом/ и зѣм-
лю на вода́х основавый,/ на камени мя, Христѣ́, заповедей
Твоих утверди,/ я́ко несть свят па́че Тебе́, Едине Человеко-
любче.

Катавасия

Богородичная катавасия. Глас 4. Песнь 3.

Ирмос, глас 4: Тво́я песнослóвцы, Богорóдице,/ Живýй и
Незавíстный Исто́чнице,/ лик себе совоку́пльшия, духо́вно
утверди́/ в Божѣственней Твоѣ́й сла́ве// венце́в сла́вы
сподо́би.

Песнь 4

Канон Богородицы (в память Иверския иконы). Глас 8. На 3.

Ирмос, глас 8: Ты моя крѣпость, Го́споди,/ Ты моя и сила,/ Ты мой Бог, Ты мое радувание,/ не оставль недра Отча/ и нашу нищету посетив./ Тем с пророком Авваку́мом зову Ти://
си́ле Твоѣ́й сла́ва, Человеколю́бче.

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

Катавасия

Богородичная катавасия. Глас 4. Песнь 4.

Ирмос, глас 4: Седя́й в Сла́ве/ на Престо́ле Божества́,/ во о́блаце лёгце,/ при́де Иису́с Пребоже́ственный/ Нетле́нною Дла́нию и спасе́ зову́щия:// сла́ва, Христé, си́ле Твое́й.

Песнь 5

Канон Богородицы (в память Иверския иконы). Глас 8. На 3.

Ирмос, глас 8: Вску́ю мя отрину́л еси́/ от лица Твоего́, Све́те незаходимый,/ и покры́ла мя ест чужда́я тьма, окаяннаго,/ но обрати́ мя и к свету заповедей Твоих// пути моя направи, молюся.

Катавасия

Богородичная катавасия. Глас 4. Песнь 5.

Ирмос, глас 4: Ужасо́шася вся́ческая/ о Божéственной сла́ве Твое́й:/ Ты бо, Неискусобра́чная Де́во,/ имéла еси́ во утробе́ над все́ми Бо́га/ и родила́ еси́ Безле́тнаго Сы́на,/ всем воспева́ющим Тя// мир подава́ющая.

Песнь 6

Канон Богородицы (в память Иверския иконы). Глас 8. На 3.

Ирмос, глас 8: Очисти́ мя, Спа́се,/ мно́га бо беззакония моя,/и из глубины́ зол возведи, молюся:/ к Тебе́ бо возопих, и услы́ши мя,// Боже спасения моего.

28 февраля 2026. Суббота 1 недели ВП. Вмч. Феодора Тирона. Йверской иконы Божией Матери

Катавасия

Богородичная катавасия. Глас 4. Песнь 6.

Ирмос, глас 4: Божественное сие и всечестное/ совершающе празднество,/ Богомудрии, Богоматере,/ приидите, руками восплещим, // от Нея рождагося Бога славим.

Песнь 7

Канон Богородицы (в память Йверския иконы). Глас 8. На 3.

Ирмос, глас 8: Божия низхождения/ огонь устыдися в Вавилоне иногда,/ сего ради отроцы в печи радованною ногою,/ яко во цветнице ликующе, пояху:/ благословен еси, Боже отец наших.

Катавасия

Богородичная катавасия. Глас 4. Песнь 7.

Ирмос, глас 4: Не послужиша твари Богомудрии/ паче Создавшаго,/ но, огненное прещение мужески поправше,/ радовахуся, поюще:// препетый отцев Господь и Бог, благословен еси.

Песнь 8

Канон Богородицы (в память Йверския иконы). Глас 8. На 3.

Ирмос, глас 8: Седмерицею пещь/ халдейский мучитель/ Богочестивым неистовно разжже,/ силою же лучшею спасены сия видеи,/ Творцу и Избавителю вопияше:/ отроцы, благословите,/ священницы, воспойте, // людие, превозносите во вся веки.

Катавасия

Богородичная катавасия. Глас 4. Песнь 8.

Ирмос, глас 4: О́троки благочесті́выя в пещи́/ Рождество́ Богоро́дичо спасло́ есть;/ тогда́ у́бо образу́емое,/ ны́не же де́йствуемое,/ вселѣ́нную всю воздвиза́ет пѣти Тебе́:/ Го́спода по́йте, дела́,// и превозно́сите Егó во вся ве́ки.

Песнь 9

Канон Богородицы (в память Йверския иконы). Глас 8. На 3.

Ирмос, глас 8: Ужасеся о сем Небо/ и земли удивишася концы,/ я́ко Бог явился человеком плóтски/ и чрево Твое́ бысть пространнейшее Небес./ Тем Тя, Богоро́дицу,// А́нгелов и человек чиноначалия величают.

Катавасия

Богородичная катавасия. Глас 4. Песнь 9.

Ирмос, глас 4: Всяк земнорóдный/ да възигра́ется, Ду́хом просвеща́емь,/ да торжествует же Безплóтных умóв естество́,/ почита́ющее священное торжество́ Богома́тере,/ и да вопи́ет:/ ра́дуйся, Всеблаже́нная Богоро́дице,// Чі́стая Присноде́во.

Стихиры на хвалитех

Канонарх: Глас 4, Всякое дыха́ние да хва́лит Го́спода.

Всякое дыха́ние да хва́лит Го́спода./ Хвалі́те Го́спода с Небе́с,/ хвалі́те Егó в вы́шних.// Тебе́ подоба́ет песнь Бо́гу.

Хвалі́те Егó, вси Ангели Егó,/ хвалі́те Егó, вся Сі́лы Егó.// Тебе́ подоба́ет песнь Бо́гу.

Иверской иконы Божией Матери (перенос с 12 февраля ст.ст.) на 2

Стих: На 4: Хвалите Его на силах Его, /
хвалите Его по множеству величества Его.

О, несказанныя благости!// О, славного явления иконы Богоматере,/ яже сияет чудесы и просвещает благодатию верно приходящая!// Юже с веселием приемлюще,/ Чистую Богоотроковицу// досто́жно пёсньми почитаем и ублажа́ем.

Стих: Хвалите Его во гласе тру́бнем, /
хвалите Его во псалти́ри и гúслех.

О, преславного Твоего́ о нас, Влады́чице, промы́ления!// Чудную бо Твою́ икону Афону посылаеши/ и яко стража нам неусы́пна тую́ подаёши милостивно/ и утешёние странствию нашему.// Темже, познавше Твою́ честна́я чудеса, песньми Тя величаем.

вмч. Феодора Тирона на 2, глас 1

Глас 1. Стих: Хвалите Его́ в тимпа́не и ли́це, /
хвалите Его́ во стру́нах и оргáne.

Мужа изрядна вь́шняго воинствослóвия, вёрнии,/ яко терпели́ваго ору́жника на́шего благоче́стия,/ согла́сно соше́дшеся,/ пёсньми та́инственными восхва́лим, глаго́люще:// досточúдне мучени́че Иисúсов, моли́ся о чтúщих тя.

Стих: Хвалите Его́ в кимвáлех доброгласных, хвалите Его́ в кимвáлех восклицáния. /

Всякое дыха́ние да хва́лит Го́спода.

Тезоименитым твоим званием,/ даре Божий воистинну,/ скорбящим всем утешение подался еси, Феодоре треблаженне:/ всякий бо к твоему приближаяся храму воистинну,// с веселием приемля воздаяния чудес твоих, почитает Христа.

Слава, глас 6:

Слава Отцу, и Сыну, и Святому Духу.

Священия дар, и богатство божественная жизни,/ показался еси миру, Феодоре:/ Христос бо мудре твою память прослави,/ в нюже согласно вернии радуящиеся поем// подвиги болезней твоих.

И ныне, глас 4:

И ныне, и присно, и во веки веков. Аминь.

Твой глагол исполняя, Богомати,/ праведный Гавриил немокренно по воде морстей пешешествова/ и, восприим священную икону Твою,/ лик песенный состави/ и торжество с постники афонскими совокупи./ Темже и мы, удивляющиеся, вопием Первоинновному:/ слава Тебе, сотворшему дивная,/ Единому Царю и Богу, молитв ради Богородицы!/ Сохрани люди христианския// и победы на враги даруй, яко Всесилен.

Тропари в конец Утрени

Тропарь вмч. Феодора Тирона

Глас 2: Велия веры исправления,/ во источнице пламене, яко на воде упокоения,/ святыи мученик Феодор радоваше-

28 февраля 2026. Суббота 1 недели ВП. Вмч. Феодора Тирона. Иверской иконы Божией Матери

ся;/ огнём бо всесожжётся,/ яко хлеб сладкий Троице принесётся./ Того молитвами, Христе Боже, // спаси души наша.

Слава Отцу, и Сыну, и Святому Духу, и ныне, и присно, и во веки веков. Аминь.

Тропарь Иверской иконы Божией Матери (перенос с 12 февраля ст.ст.)

Глас 1: Дерзость ненавидящих образ Господень/ и держава нечестивых безбожно в Nikeю прииде,/ и посланнии безчеловечно вдовицу,/ благочестно чтущую икону Богоматере, истязуют,/ но та я нощию с сыном икону в море пусті, вопиюще:/ Слава тебе, Чистая,/ яко непроходимое море плещи своя подаде, // слава правошествию Твоему, Едина Нетленная.

1-й час

Тропари

Иверской иконы Божией Матери (перенос с 12 февраля ст.ст.), глас 1

Дерзость ненавидящих образ Господень/ и держава нечестивых безбожно в Nikeю прииде,/ и посланнии безчеловечно вдовицу,/ благочестно чтущую икону Богоматере, истязуют,/ но та я нощию с сыном икону в море пусті, вопиюще:/ Слава тебе, Чистая,/ яко непроходимое море плещи своя подаде,/ слава правошествию Твоему, Едина Нетленная.

Слава Отцу, и Сыну, и Святому Духу.

Тропарь вмч. Феодора Тирона, глас 2

Велия веры исправления,/ во источнице пламене, яко на воде упокоения,/ святыи мученик Феодор радовашеся;/ огнём бо всесожжётся,/ яко хлеб сладкий Троице принесётся./ Того молитвами, Христе Боже, // спаси души наша.

Кондак вмч. Феодора Тирона, глас 8

Веру Христову яко щит внутри прием в сердце твоём, противныя силы попрая еси, многострадальче, и венцем небесным венчался еси вечно, Феодоре, яко непобедимый.